


印
鸞
章
編

清鑑

上
海
書
店



印鸞章編

清鑑上

上海書店

本书又名《清鉴纲目》，现据世界书局1936年版影印

清 鉴

印 鸾 章 编

上 海 书 店 出 版

(上海福州路401号)

新华书店上海发行所发行

上海南汇谦信印刷厂印刷

开本 787×1092 毫米 1/32 印张 31 3/4 插页 4

1985年10月第一版 1985年10月第一次印刷

印数 1—15000

G41·1

上下册定价4.60元

凡例

一本書體例依據袁王綱鑑合編分綱目二種以年爲經以事爲緯俾得與袁王綱鑑合編及明鑑成爲首尾一貫之完史

一依綱鑑定例凡關於國之興亡世之治亂帝王將相之賢否土地人民之分併與夫政治制度之沿革文化經濟之變遷凡足以觀摩而昭鑑戒者無不詳審精當羅集備舉其無補於世教民彝有溷正史者悉置弗錄

一本書凡十六卷自太祖開國起至宣統遜位止凡其間二百六十九年之事跡簡其撰述詳其考證成爲一銜接明鑑之史使讀者得於有清一代家國興亡政治得失均能瞭如指掌

一綱目於歷代紀年之際凡正統則用大書非正統則用分注其界最嚴本書亦仍其例如明末清初仍用一年兩系之例意亦存其正統也

一綱目於命官時惟宰臣皆書餘官非有故不書今沿其例凡宰臣之拜免及卒皆書餘官黜陟及名賢生卒有關政教者亦特書例書之

一專制時代對於革命人物往往目爲盜匪如洪楊之變舊史必書爲盜

或寇斯實有乖正誼。本書悉加釐正。

一清季外交失敗與各國所訂不平等條約。本書不憚繁冗。詳爲記載。冀後之秉政者有所警惕也。

一清代地名都邑。民國已多更改。本書悉按最近劃定區域。概爲注明。

一編撰本書。參攷書達六十餘種。除東華錄皇朝三通及大清會典等官書外。餘皆爲名人所撰可信之書。

一本書竭個人心力。增修刪訂。歷數年之久。始克於成。然疏漏舛誤在所不免。當世宏達。幸賜匡正。

DATE 10/05

清鑑綱目目次

開國紀要	一
太祖高皇帝	二
太宗文皇帝	一
世祖章皇帝（順治）	二
聖祖仁皇帝（康熙）	一七七
世宗憲皇帝（雍正）	三一三
高宗純皇帝（乾隆）	三七三
仁宗睿皇帝（嘉慶）	四八九
宣宗成皇帝（道光）	五四一
文宗顯皇帝（咸豐）	五八七
穆宗毅皇帝（同治）	六五七
德宗景皇帝（光緒）	七二三
宣統帝	九三五
清代帝系表	一〇〇五

清鑑綱目卷首

鹽城印鸞章編輯 金式陶 張延壽 趙雪 胡應庚 校訂

開國紀要

清之先世爲滿洲滿洲者居於長白山之東蓋古女真即金國遺種也

自蒙古滅金後通古斯族勢力日衰相傳有布庫里雍順者以愛新

覺羅爲姓始居吉林北境俄莫惠之野鄂多里城建國曰滿洲是爲

清人開國之始祖按始祖開基當在金之末造由布庫里雍順數傳而後國內大亂

舉族被戕幼子范察僅以身免又數傳至都督孟特穆即肇祖原皇帝誘誅

仇人恢復故地時當明正統景泰之交始徙居赫圖阿拉是爲興京

距盛京二百七十里即明之建州右衛也孟特穆三傳至都督福滿

即興祖直皇帝生覺昌安即景祖翼皇帝盡收蘇克素護河西二百里內諸部落國

勢始大覺昌安生塔克世即顯祖宣皇帝塔克世生三子長曰努爾哈赤即

太祖高皇帝也

附記滿洲源流考曰滿之先世姓愛新覺羅氏發祥於長白山山高二百餘里綿亘

有也曰布爾湖相傳有三天女浴於池神鸞銜朱果置季女衣季女含口中忽入腹遂

具國汝宜誌之汝順流而往即其地也樂以小初順流下至河濱登岸折柳枝及蒲為坐
 人也來往觀諸所自來客曰我天諸女所生以定汝等之亂且告以姓名來驚曰此天生聖
 世後勤其不善撫其定於是人居長白山東俄漢之族野俄朵里范察者滿洲是為國人之始數
 名有神鶴止其首道者智勇慨然以恢復為志誘殺先世仇人過半於是始居赫圖原阿喇
 督福滿今遼寧與京縣一生子二長克善次諸塞充善子三其三即與祖直皇帝名都
 五其四即與祖宜皇帝其四即景祖翼皇帝六子各居一地稱三其三即與祖直皇帝名都
 長子禮敦征之滅其族盡收蘇克世時近地西部落名碩色納者特其強盛後與祖名阿哈
 主納者欲相仇怨引兵攻掠之甯古塔妻薩克達路長以阿哈納質不許而嫁其妹於董鄂部
 皇孫免壽者敗其驢遂分製勢弱而諸國紛亂互相雄長時顯祖嫡妃喜塔喇氏即宣
 勒後度威重舉止非常騎射執倫剛果能斷凡所瞻記終身不忘國人稱之曰聰明貝
 卒取遼東廣甯諸地創立宏業混一區宇之丕基實肇於此
 以上為清代官書記開國源流如是附錄於此以便參攷

●太祖高皇帝

明名努爾哈赤顯祖塔克世長子在位四十有三年初登可汗位至
 明萬曆四十四年稱帝建元天命凡十有一年崩壽六十有八歲

太祖努爾哈赤生而英毅有武略凡所睹記終身不忘國人稱之曰

聰明貝勒其開國方略凡六首統一滿洲諸部次征服扈倫諸部次

伐明圍撫順克清河堡殲薩爾濟之師遷都遼瀋敘次如左

一
 統一滿洲諸部

滿洲凡六部曰覺羅部曰蘇克素護河部曰渾河部曰完顏部曰董鄂部曰哲陳部努爾哈赤爲愛新覺羅部長覺羅部外以蘇克素護河部爲最強先是蘇克素護河部有尼堪外蘭者爲圖倫城主頗效忠明室陰與明總兵李成梁合軍攻古喀城其城主阿太章京之妻爲覺昌安之孫女努爾哈赤之從姊也覺昌安聞古喀有難恐孫女被獲卽偕其子塔克世率兵往援既至入城助守而尼堪外蘭給城民作亂殺阿太送欸於明並擒覺昌安父子誅之努爾哈赤時二十有五歲矣聞之大怒誓志復仇先遣使詰明邊吏明謝誤殺罪歸其祖與父之喪賜勅三十道馬三十匹封努爾哈赤爲龍虎將軍建州左衛都督努爾哈赤曰害我祖父者尼堪外蘭也當先滅之遂以萬歷十一年以其遺甲十三副攻圖倫城尼堪外蘭退保甲版又被迫走撫順欲入明邊明邊吏懼啓釁逐之遂逃鄂勒琿築城居之以中隔董鄂渾河諸部追兵不能及努爾哈赤遂改變行軍方略用兵先自近部始於是首攻蘇克素護河部之瓜爾佳城次攻渾河部之貝璉城哲陳部之託摩城及董鄂部皆克之遂越諸部進迫鄂勒琿尼

滿洲初起時諸部表

西海		建州										衛部
倫		山白長			滿洲							名號
烏拉	葉赫	哈達	輝發	珠舍哩	納綠江	哲陳	董鄂	完顏	渾河	蘇克素護河	覺羅	今
吉林省城	遼寧東遼河流域	遼寧輝北縣西境	遼寧輝南縣地	遼寧臨江縣北	遼寧鴨綠上流北岸	遼寧柳河縣東	遼寧通化縣北	吉林敦化縣西	遼寧新賓西北	遼寧柳河縣境	遼寧新賓	地

堪外蘭復逃入明。努爾哈赤以執付仇人請明邊吏執尼堪外蘭。送努爾哈赤軍斬之。並歲賜銀八百兩。蟒緞十五匹。開撫順清河寬甸。靉陽四口爲通商所。冀以結其歡心。努爾哈赤復乘勝攻克完顏部。於是五部皆服。越四年。又征服長白山之鴨綠江部。兵威益振。駸駸然合大東而奄有之矣。

附記

明初滅元。分關外地爲三衛。一曰建州。統滿州六

部。及長白山三部。一曰海西。統三

人。皆在今遼寧吉林之間。其時明

力陽。海城。蓋平。諸地。其東北皆爲疆

野東	
渥集	吉林寧安東北窩集地
瓦爾喀	吉林延吉縣北境
庫爾喀	吉林寧古塔河流域

二 征服扈倫諸部

滿洲之制。以略示編摩而已。至神宗萬曆時。此三衛中。諸部互相雄長。扈倫在滿洲之北。其勢最盛。及滿洲六部中。努爾哈赤崛起於覺羅部。遂合併諸部。而建立為一統之大帝國。以與明室相抗拒。

努爾哈赤之用兵也。先自近部始。其始攻克滿洲五部。繼乃北向。與扈倫諸國爭雄。長扈倫者。明之海西衛地也。海西四部。葉赫最強。為塞外諸國盟主。及努爾哈赤統一滿洲。又收服鴨綠江部。盡有其衆。疆土日擴。葉赫酋長納林布祿。忌其強。乃遣使滿洲。以均勢之說。相要挾。曰。扈倫四部。言語相通。勢同一國。今所有國土。爾多我寡。盍割地與我。努爾哈赤不應。納林布祿乃糾合扈倫四部。及蒙古之科爾沁。錫伯。卦勒察三部。長白山之珠舍哩。納殷二部。計共九國聯軍來攻。衆凡三萬。分三路進兵。陣於渾河北岸。努爾哈赤聞聯軍大至。引兵至扎喀城。乘城觀之。謂諸將曰。烏合之衆。其心不一。殲其前鋒。必自退。因而乘之。蔑不勝矣。乃移軍疾馳二百里。至古崙山。據險而陣。發百騎挑戰。葉赫西城酋長布寨。科爾沁酋長明安。先衆突進。布寨

部世服諸

金廷國大

馬觸木。陪努爾哈赤兵。即斬之。乘勝長驅。明安陷。淖。易馬遁。聯軍遂大潰。努爾哈赤遂北。數十里。斬首四千級。諸部大震。先後屈服。納林布綠。不得已。納其女以和。此明萬曆十九年事也。未幾。葉赫復叛。與哈達同謀。抗拒。努爾哈赤怒。乃發兵先擊哈達。克其城。滅之。繼又滅烏拉輝。發二部。又北略東海。諸部兵力益強。疆土大拓。萬曆四十四年正月朔。滿洲諸貝勒大臣奉表勸進。尊努爾哈赤為覆育列國英明皇帝。立國號曰大金。建元天命。定都興京。

附記

清之先。本出於金代女真部族。太祖努爾哈赤。初建國號曰大金。旋以區別於前代之金。改稱後金。此事見日本人所記清初國事甚夥。如三島雄太郎之支。

那近三百年史。及稻葉君山之清朝全史等書。皆大言實自太宗皇帝太極城始。近門之屬。尙有大金字樣。而清代官書皆深諱之。其諱稱大金。實自太宗皇帝太極城始。近門之屬。祖基業。復加開拓。其後疆域日廣。境內包有蒙古人。漢人。朝鮮人。及西藏人等。不止女真一族。大金國號。不適於對待外族之用。且漢人對於金人。素多惡感。尤與招徠漢族。為非宜。因於即位後之第十年。改國號為清。並將前此之文書部。面書大金者。一律改為滿洲。滿洲音近曼殊。本佛名。號意謂清之帝主。為佛之化身。用以籠罩各族之人。心。較大金為廣大。自此滿清一代。三百餘年。官私文字。咸稱崇德以前為滿洲。而大金及後金諸名稱。遂無依據。最可怪者。清之部族。實為女真。或稱崇德以前為滿洲。而大金及後女直。歷金元皆稱女直。至明復舊稱女真。而清人自認滿洲。為其部族。不認女真。故修明史時。凡遇女真事。皆削去之。尤奇者。字典注中。凡女真字。直字下。皆無女真。女直等字。樣。顯府亦不收女真字。樣。清歷世示人。以不廣。以故載筆之臣。小廉曲謹。以媚一人。寧失史家之實。無犯陋樹之戒。由今思之。可謂陋樹矣。

制國書

定旗制

葉赫負固

大舉伐明
七大恨
告天

三 初次代明之役

努爾哈赤既稱帝於是製國書

創立滿洲文字

定旗制

初兼併諸國分其衆爲四旗以純色爲別曰黃曰紅

曰藍曰白至是又增設四旗以雜色鑲之曰鑲黃鑲紅鑲藍鑲白分左右翼共爲八旗

置理刑聽訟大臣五人佐者十人

以分治國事

凡有大訟獄位者十人審問言之五大臣五大臣覆審言諸貝勒衆議既定猶慮或有冤抑必令訟者跪帝前更詳鞠之故擊情皆得上達國

治內大

使國民皆兼習兵農刈穫既畢則縱牧羣畜於山野由是國富

民殷歸附者日衆時海西四國已平其三惟葉赫恃明之援負固不服努爾哈赤惡之初明人之設海西衛也分南北二關以哈達爲南關葉赫爲北關哈達既滅南關已失所恃者惟北關而北關偏處開原鐵嶺尤邊疆之屏蔽薊遼總督蹇達亟上疏陳東方隱憂不可不早爲之備於是神宗乃屯重兵於開原而以火器兵助葉赫防守爲犄角之勢葉赫既恃明之援與滿洲抗衡而明亦倚葉赫之強爲遼東之保障努爾哈赤乃聚諸貝勒謀曰葉赫恃明之援今若先圖葉赫則明兵擣我之虛不若大舉伐明先挫明兵然後再圖葉赫諸貝勒曰善遂於萬曆四十六年興師伐明臨行以七大恨告天略曰我祖父未損明一草寸土明邊吏輕信尼堪外蘭之言無故啓衅殺我

陷撫順

克清河
堡

楊鎬出
師

祖父一也設碑勒誓明不遵守逞兵越界衛助葉赫二也明以擅殺
爲詞拘我使臣脅取我十人抵罪邊境三也明助葉赫致葉赫背約
以其許字滿洲之女改適蒙古四也我滿洲累世所守疆土耕田藝
穀明不許刈穫遣兵驅逐五也葉赫渝盟召畔明乃偏信其言遣書
詆詈肆行慢侮六也哈達助葉赫兩次來侵既被征服又脅我復其
國土七也遂進軍圍撫順降其守將李永芳夷其城而還是年秋復
進軍克清河堡全遼大震明神宗起楊鎬爲經略合朝鮮葉赫兵共
四十七萬以禦努爾哈赤之兵

四 薩爾濟之戰

萬曆四十七年春明遼東經略楊鎬集兵瀋陽分四路出師山海關
總兵杜松出中路之左由渾河入撫順關廣甯道張銓監之遼東總
兵李如柏出中路之右由清河入鴉鶻關遼陽道閻鳴泰監之開原
總兵馬林出北路由開原會葉赫兵出三岔口開原道潘宗顏監之
遼陽總兵劉綎出南路會朝鮮兵入寬甸海蓋道康應乾監之而以
遊擊崔一琦別監朝鮮兵合趨滿洲都城號四十七萬期以三月一

薩爾
山之戰

杜松
敗死

馬林
遁走
李如柏
潰散

劉綎
戰死

日會二道關並進。會大雪。兵不能前。師期洩。杜松欲立首功。先期渡
渾河。連克三小砦。遂乘勝趨薩爾滸谷口。以三萬衆屯薩爾滸山。而
自引兵二萬攻界藩。努爾哈赤方築界藩城。夫役萬五千。以精騎四
百護之。聞松軍至。伏精騎谷口以待。俟松軍過。伏發尾擊之。至界藩
渡口。以夫役千人相助。反攻而自率六旗兵直趨薩爾滸山大營。甫
戰。日未昃。忽大霾晦。咫尺不相辨。明兵列炬以戰。努爾哈赤自暗擊
明。萬矢雨集。發無不中。而明兵由明擊暗。銃礮皆中樹林。遂乘晦拔
柵踰塹。佔領薩爾滸山。潰其軍三萬。松聞耗來援。山上兵據高馳下。
與山下兵夾攻。衝松軍爲數隊。松中矢死。全軍盡覆。此中路左軍也。
北路馬林兵出三岔口。聞松軍敗。結營自固。努爾哈赤乘高奮擊。林
大敗。遁走開原。潘宗顏力戰死之。楊鎬聞耗立檄止如柏。劉綎兩軍。
如柏至虎欄關。滿洲守兵二十人見之。登山鳴螺。作大軍追擊狀。如
柏軍大潰。奔走相蹴。死者數千人。時劉綎已深入三百里。至深河。克
三砦。不知松軍之覆沒也。整衆前進。登阿布達哩岡。會努爾哈赤兵。
亦登岡出其上。而別以一軍趨綎西。岡上自高馳下。趨綎西者復從。

葉赫平
滅

熊廷弼

袁應泰

招降蒙
古

旁夾擊已乃張松旗幟被其衣甲以紿縋縋軍大亂力戰死縋驍將也既戰死明師喪氣康應乾及朝鮮兵營富察之野努爾哈赤移師邀擊大破之應乾僅以數百騎免一琦敗走朝鮮營朝鮮帥懼率衆降一琦投崖死時馬林走開原努爾哈赤移師攻之乘勝遂取開原鐵嶺是年八月努爾哈赤復進兵葉赫葉赫不能支遂被滅自是明之東北兩關皆失於是言語相同之國悉歸於一疆域西至遼南至朝鮮東際海北抵黑龍江矣

五 遷都遼瀋

初楊鎬既敗明廷逮鎬治罪以熊廷弼代之廷弼有文武才善用兵熟邊事集大軍十八萬分布諸要隘倡固守之策努爾哈赤以此按兵不進者年餘天啓初明臣忌廷弼者爭劾其不戰廷弼遂乞罷以袁應泰代之應泰故循吏非治邊才且不知兵會蒙古大饑諸部多入塞乞食應泰奏請收撫招降萬餘人分處遼瀋兩城優其廩食與民雜居欲倚爲助而此降人轉爲滿洲耳目天命六年春努爾哈赤率兵攻瀋陽克之總兵賀世賢戰死三月攻遼陽應泰集諸軍分陣

克遼瀋
二城

徙都遼

陽徙都瀋

役遼之

太宗開
國方略

固守滿洲兵冒礮火登城據其一隅城中遼大亂應泰自焚死城陷
蓋皆降人爲之也努爾哈赤既克遼瀋二城分兵四略於是遼河以
東之堡塞營驛及海蓋金復諸州大小七十餘城以次俱下遂由興
京徙都遼陽明年渡遼河進取廣寧又連陷四十餘城明兵退入山
海關遂由遼陽遷都盛京卽今之遼寧瀋陽縣也越數年努爾哈赤
復率大兵攻寧遠明巡撫袁崇煥守之火器礮石齊下不能克乃嘆
曰朕自二十五歲興兵征伐以來戰無不勝攻無不克何此寧遠一
城竟不能下豈非天耶因不懌者累日旋即病卒其第八子皇太極
嗣位改元天聰是爲太宗文皇帝

附記

清太祖努爾哈赤雄武英毅。寬不狃人。有子十六人。又皆起。武夫。奮勇善戰。每有征伐。與諸貝勒（即諸子）適野而謀。畫地而議。上馬而傳令。簡而速。

故事。雖不舉。分部下爲八旗。每臨敵。七旗却走。一旗拒戰。卽以七旗佐領之。丁分給一旗。一旗却走。七旗拒戰者。亦如之。國民十餘萬戶。分處遼河東西。無事則耕獵。有事則徵調。戰勝則分俘而受賞。人自爲兵。兵自爲餉。故無養兵之費。而用靡不給。起兵二十年。而國基開。又十年。而王業定。雖曰天命。豈非人事哉。

●太宗文皇帝

名皇太極。太祖第八子。母孝慈高皇后葉赫貝勒楊吉努之女。初爲四貝勒。侍太祖征討。所向有功。既卽位。建元天聰。尊改崇德。始定國號曰清。

清。在位十有七年。壽五十有二歲。

太宗既嗣位。雄武英毅。不讓太祖。其開國方略凡四。首征服東海諸